

INUIT ATAQATIGIIT INATSISARTUNI



UPA2024/96
April 30 2024
Mikivusuk Thomassen.

Inatsisartut aalajangiiffigisassaattut siunnersuut, Naalakkersuisut peqquneqassasut nalunaarusioqqullugit, utoqqaat immikkut nappaataat tarnikkullu nappaatigisinnaasaannut akimut suleqatigiinnik¹ pilersitsinerup pitsaaqutaanik ajoqutaanillu nalunaarusiornissamik. Nalunaarusiattaq qulaajassavaa aningaasaatigut allaffissornikkullu pisortanut kingunissai suliassaqarfiit akimorlugit utoqqarnut immikkut ittumik nappaatinut tarnikkullu nappaatilinnut suleqatigeeqalernissamut. Nalunaarusiaq UPA 2025 nallertinnagu Inatsisartunut agguanneqareersimassaaq

(Inatsisartunut ilaasortaq Anna Wangenheim, Demokraatit)

Utoqqarnut periusissiortoqarpoq ukioq 2023-p ingerlanerani tamannalu Inuit Ataqatigiinniit iluarisimaarput.

Utoqqalisunut utoqqaallu atugaannut pitsaangorsaataasinnaasunik siunnerfiliisoqarsimanera iluarisimaarparput, kiisalu utoqqaat ulluinarni inuuniarnerannut sunniutigisinnaasaat ilanngullugit.

Utoqqaaneq pitsaasoq – periarfissat, atuagarissaarneq siunissarlu nukittunerusoq qimerlualaarneqarsinnaasoq utoqqaat atugaannut tunngasumik kommunit peqatigalugit siunnerfiliisimasooq anguniagassaliisimasorlu, siornatigut eqqartornikuusarput inersuarmi utoqqarnut tunngatillugu periusissiortoqassasoq tamannalu massakkut sulitutigineqarluni suliatut ingerlaarluni tamanna iluarisimaarparput.

Ilanngullugu utoqqaat peqqissuunissamik anguniagaqartuarnissarput pingaaruteqarmat tamannalu utoqqarnut ilaqutaannullu sunniutigisinnaasaat assigiinngissinnaagaluartut siunnerfeqarnerli pitsaasuugaangat iluaqutaasarpooq.

Soorunami suli unammilligassaasinnaasunik peqartuassaaq, kommunilli inuttaasullu suleqataanerisigut oqinnerulersinnaanerit ilimagineqarsinnaavoq.

Taama oqaaseqarluta siunnersuutigineqartup itigartsinneqarnissaa innersuupparput suliaq ingerlareermat utoqqarnut tunngasoq.